



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Formula facultatis, qua permittitur clericum esse in familia alicuis laici,
causa educationis librorum.

urn:nbn:de:hbz:466:1-10502

graphave eius, cui hanc curam dederimus, sigillatim exiges.

Diebus singulis supra præfinitis suscipitur Missæ sacrum faciendi munus præstabis: nec verò alibi ijs ipsis diebus Missæ sacræ facies, etiã si illius faciendi munus non suscipias; nisi aliquando de illius, cui id curæ commiserimus, consensu, in locum tuum, ob legitimum impedimentum, etiam infirmitatis, quo detinearis, Sacerdotem alium antea substitueris, qui pro muneris à te suscepti ratione, quod ipse debes, id omne in ea Ecclesia præstet.

Quibus diebus celebrare teneris, obsequium assidue impendas, salua tamen honestate tua, & debita deuotione; nec tibi liceat quauis ratione diem etiam vnum subtrahere, siue causa voluptatis, siue te ad aliam Ecclesiã transferendo.

Festis verò diebus, qui præcepto Ecclesiæ, aut consuetudine, votoq; coluntur, post Missam Parochialem, vel summo mane, de consensu tamen Parochi, Missæ sacrificium facies.

Missæ sacrum nè facias sine ministro clericali habitu induto, eoq; decenti, ad præscriptũ nostrarum Cõstitutionum.

Stata hora, quam deputatus noster pro temporis ratione præscripserit, Missæ sacrum facies.

In libro, Missis quæ celebrantur in singulos dies annotandis constituto, manu tua singulis item diebus quibus celebrabis, subscribes: aliter in mandato nulla habeatur ratio.

In illo ipso Altari Missæ sacrum facies: q̄ si in alio feceris, absq; nostro, seu deputati consensu ac permisso, perinde in elemosina percipiẽda censearis, ac si munus quod debes, nõ præstiteris, iuxta præscriptum Concilij Prouinc. 4.

Has autem nostras literas per tantummodo tibi suffragari volumus.
Dat. &c.

Formula facultatis celebrandi pro Sacerdotibus alienæ diœcesis.

CAROLVS &c. Dilecto nobis in Christo Reuer. Presbytero N. Diœcesis N. Cognita sacrarum cæremoniãrum peritia tua, perspectisq; Or-

dinarij tui literis dimissorijs; facultatẽ concedimus ad menses

Missæ sacrum faciendi ritu Romano, in Vrbe, & Diœcesis nostræ Mediolanensis Ecclesijs, quæ tamen Monialium nõ sint, & in quibus tali ritu celebrari permittitur; consensu quoq; earundem Ecclesiarum Rectorum vel Vicerektorum accedente, & dummodo tu in habitu & tonsura incedas, & in Altari non petas elemosinam. Dat. &c.

Formula facultatis, qua permittitur clericum esse in familia alicuius laici causa educationis liberorum.

CAROLVS &c. Tibi N. de cuius vitæ probitate, docendi ratione, & fidei professionis emissionẽ nobis satis constat, his literis facultatẽ damus, vt in domo N. pueros educare possis: quam sanè facultatem tibi concedimus his conditionibus infra adscriptis.

Libros à pueris legi non patieris, nõ solum Indice S. D. Pij IIII. nominatim vetitos; sed neq; etiam alios, quibus ob scena vel turpia contineantur.

Si quæ profana aliquãdo pueris erũt exponenda, omnia ad rectam disciplinã, egregiamq; morũ indolẽ præclaris interpretationibus traducere studebis.

Si quæ problemata, vel axiomata, vel alia quauis ingenij exercendi causa publicè proponere volueris, ne ea pponas, quin prius à nobis approbata fuerint.

Quotidianas ludũ exercitationes ac studia, inchoabis, & concludes item pia aliqua oratione & prece.

In gymnasio, loco decenti & perspicuo, tabella alicuius sacræ imaginis appendatur, ad quam diebus singulis discipuli statas preces faciant.

Quæ tandem de Ludũ magistris in Concilio Lateranensi vltimo, & huius nostræ Ecclesiæ decretis sancita sunt, diligenter integreq; seruabis.

Cum autem Ecclesiæ persona sis, dignitatẽ Ecclesiæ memor, ne cum reliqua familia verberis; neve alio munere, quã docẽdi pueros, fungaris. Mulieres seu dñas ne vilo pacto deducas, comiterisve.

Non causarum Actor, rerumq; temporalium administrator sis.

Nec

Nec item victus ac vestitus procuracionem, ac illorum dispensationem exerceas.

Diebus festis, pueros ad diuina officia, ad verbi Dei Conciones, & Doctrinae Christianae scholas adduces.

Tu vero ipse iisdem diebus superpelliceo indutus, in Ecclesia S. N. Missae Conuentali, & Vesperis intereris; mensualibus item Congrega. Processionibus, & reliquis huiusmodi, quibus Clerus interesse debet, & tu interesse ne omittas.

Has autem nostras literas diutius tibi suffragari nolumus, quam per sex menses; quo tempore confecto, ne audeas sine noua confirmatione docendi artem exercere, sub pena suspensionis ipso facto incurrenda, quam scito nullo pacto impetraturum, nisi testimonio Praefecti tuae regionis constiterit, supradicta capita diligenter te executum esse. Dat.

Formula facultatis, qua permittitur clericum nondum initiatum missae sacro diuinisq; officijs inseruire.

Carolus &c. Tibi N. qui habitum clericalem deferendi licentiam obtinens, Superpelliceo decenter induto, vt in Ecclesia S. N. Sacerdoti celebranti, & sacramenta admistranti, vsque ad proxima stata sacrae ordinationis . . . tempora inseruire possis, his nostris permittimus. Dat.

Formula facultatis, qua permittitur puerum laicum ob defectum clerici Missae sacro alijsq; diuinis officijs inseruire.

Carolus &c. Tibi N. laico, & de legitimo matrimonio procreato, Veste talari, & superpelliceo decenter induto, vt in Ecclesia S. N. attenda eiusdem Ecclesiae & Parochianorum paupertate, necnon ministrorum Ecclesiasticorum qui ibi inseruiant, penuria, Diuinis officijs, & Sacerdoti celebranti, Sacramentaque ministranti, ad menses . . . inseruire possis, his nostris literis permittimus. Dat.

Formula facultatis, qua permittitur ecclesiasticum hominem vitae sustentandae causa domi habere mulierem senescentem.

Carolus &c. Tibi N. ob vitae sustentandae curam N. mulierem, aetate annorum . . . domi habere licere, his literis concedimus, quas per annum tantum tibi suffragari volumus. Datum. &c.

Formula facultatis, qua permittitur ecclesiasticum hominem habitare in aedibus laicalibus.

Carolus &c. Cognitis causis quas exposuisti, tibi N. his nostris literis permittimus & concedimus, vt in aedibus laicalibus N. laici hominis, etiam si in illis mulieres sint, per . . . habites. Dat.

Formula attestationis Natalium, morum, & professionis fidei.

Carolus &c. Vniuersis & singulis praesentes literas inspecturis, lectoris, & auditoris, salutem in Domino sempiternam. Ad habendam de fide, moribus, doctrina, aetate, & natalibus certam scientiam Ven. viri D. N. Clerici Mediolanensis, pro parte illius requisiti fuimus, vt expetitam super his inquisitionem facere dignaremur. Nos huiusmodi honestae requisitioni annuere volentes, prouidos viros, multum RR. DD. N. N. & N. quorum fidem, religionem, & animi integritatem probatam habemus, seorsum super vita, moribus, aetate, religione, & natalibus praemissis, medio iuramento examinandos coram nobis duximus; & deinde collectis singulorum depositionibus, comperimus praef. D. N. esse aetatis circiter 30. ann. clericali caractere rite insignitum, legitimis natalibus ortum, honestis moribus praeditum, nec vlla prorsus haereticis labe pollutum, sed in communione fidelium, qui sanctam catholicam & apostolicam Romanam Ecclesiam profitentur, constanter vixisse, & viuere; eumq; in philosophia, & vtroque iure in celeberrimis Academicis laurea